

ТРОПАРИ, КОНДАКИ, ЗАДОСТОЙНИКИ И ВЕЛИЧАНИЯ ДВНАДЕСЯТЫХ ПРАЗДНИКОВ И ПРАЗДНИКА ПАСХИ

в порядке гражданского года,
т. е. с 1 января по новому стилю
(Даты указаны по старому и новому стилю.)

ОГЛАВЛЕНИЕ

Рождество Господа Бога и Спаса нашего Иисуса Христа	2
Крещение Господне. Богоявление	2
Сретение Господа нашего Иисуса Христа	3
Благовещение Пресвятой Богородицы	4
Вход Господень в Иерусалим. Вербное воскресенье	4
Светлое Христово Воскресение. ПАСХА	5
Вознесение Господа нашего Иисуса Христа	6
Пятидесятница. День Святой Троицы	6
Преображение Господа нашего Иисуса Христа	7
Успение Пресвятой Богородицы	8
Рождество Пресвятой Богородицы	8
Воздвѣжение Честного и Животворящего Креста	9
Введение во храм Пресвятой Богородицы	9

Рождество Господа Бога и Спаса нашего Иисуса Христа

25 декабря / 7 января.

Тропарь, глас 4-й

Рождество Твое, Христе Боже наш, возсия миру свет разума: в нем бо звездам служащий звездою учахуся Тебе кланяться, Солнцу правды, и Тебе ведети с высоты Востока. Господи, слава Тебе.

Кондак, глас 3-й

Дева днесь Пресущественнаго раждает, и земля вертеп Непреступному приносит; Ангели с пастырьми славословят, волсви же со звездою путешествуют: нас бо ради родися Отроча младо, превечный Бог.

Задостойник, глас 1-й

Прпев: Величай, душе моя, честнейшую и славнейшую горних воинств, Деву Пречистую Богородицу.

Ирмос: Любити убо нам, яко безбедное страхом, удобее молчание; любвию же, Дево, песни ткати спротяженно сложенные неудобно есть; но и, Мати, силу, елико есть произволение, даждь.

Величание

Величаем Тя, Живодавче Христе, нас ради ныне плотию рождаемого от Безневестных и Пречистой Девы Марии.

Крещение Господне.

Богоявление

6/19 января.

Тропарь, глас 1-й

Во Иордане крещаящуся Тебе, Господи, Троическое явися поклонение: Родителей бо глас свидетельствоваше Тебе, возлюбленного Тя Сына именуя, и Дух в виде голубине извествоваше словесе утверждение. Явлейся, Христе Боже, и мир просвещей, слава Тебе.

Кондак, глас 4-й

Явился еси днесь вселенней, и свет Твой, Господи, знаменася на нас, в разуме поющих Тя: пришел еси, и явился еси, Свет непреступный.

Задостойник, глас 2-й

Привеv: Величай, душе моя, честнейшую горних воинств, Деву Пречистую Богородицу.

Ирмос: Недоумеев всяк язык благохвалити по достойнию, изумевает же ум и премирный пети Тя, Богородице; обаче, Благая сущи, веру прими, ибо любовь веси божественную нашу: Ты бо христиан еси Предстательница, Тя величаем.

Величание

Величаем Тя, Живодавче Христе, нас ради ныне плотию крестившагося от Иоанна в водах Иорданских.

Сретение Господа нашего Иисуса Христа

2/15 февраля.

Тропарь, глас 1-й

Радуйся, Благодатная Богородице Дево, из Тебе бо возсия Солнце правды, Христос Бог наш, просвещаяя сущия во тьме. Веселися и ты, старче праведный, приемый во объятия Свободителя душ наших, дарующаго нам воскресение.

Кондак, глас 1-й

Утробу Девичу освятивый рождеством Твоим, и руке Симеоне благословивый, якоже подобаше, предварив, и ныне спасл еси нас, Христе Боже; но умирй во бранех жительство, и укрепй люди, ихже возлюбил еси, единые Человеколюбче.

Задостойник, глас 3-й

Привеv: Богородице Дево, упование христианом, покрый, соблюди и спаси на Тя уповающих.

Ирмос: В законе сени и писаний образ видим, вернии: всяк мужеский пол, ложесна разверзая, свят Богу. Тем Перворожденное Слово Отца Безначальна, Сына первородящая Материю неискусомужно, величаем.

Величание

Величаем Тя, Живодавче Христе, и чтим Пречистую Матерь Твою, Еюже по закону ныне принесся еси в храм Господень.

Благовещение Пресвятой Богородицы

25 марта / 7 апреля.

Тропарь, глас 4-й

Днесь спасения нашего главїзна, и еже от века таинства явление: Сын Божий, Сын Девы бываает, и Гавриїл благодать благовествует. Темже и мы с ним Богородице возопиим: радуйся, Благодатная, Господь с Тобою.

Кондак, глас 8-й

Взбранной Воеводе победительная, яко избавльшеся от злых, благодарственная восписуем Ти раби Твои, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Невестная.

Задостойник, глас 4-й

Припев: Благовестуй, земле, радость велию, хвалите, Небеса, Божию славу.

Ирмос: Яко одушевленному Божию кивоту, да никакоже коснется рука скверных; устне же верных Богородице немолчно, глас Ангела воспевающе, с радостию да вопиют: радуйся, Благодатная, Господь с Тобою.

Величание

Архангельский глас вопием Ти, Чистая: радуйся, Благодатная, Господь с Тобою.

Вход Господень в Иерусалим.

Вербное воскресенье

Воскресенье за неделю до Пасхи.

Тропарь, глас 1-й

Общее воскресение прежде Твоея Страсти уверяя, из мертвых воздвигл еси Лазаря, Христе Боже. Темже и мы, яко отроцы, победы знамения носяще, Тебе Победителю смерти вопием: осанна в вышних, благословен Грядый во имя Господне.

Другой тропарь, глас 4-й

Спогрѣбшеся Тебе крещением, Христе Боже наш, безсмертныя жизни сподобихомся Воскресением Твоим, и воспевающе зовем: осанна в вышних, благословен Грядый во имя Господне.

Кондак, глас 6-й

На Престоле на Небесі, на жребяти на землі носимый, Христэ Бóже, Ангелов хваление и детей воспевание приял еси, зовущих Ти: благословен еси Грядый Адама воззвати.

Задостойник, глас 4-й

Ирмос: Бог Господь, и явися нам, составите праздник, и веселящися приидите, возвеличим Христа, с ваиями и ветвymi, песньми зовуще: благословен Грядый во имя Господа Спаса нашего.

Величание

Величаем Тя, Живодавче Христэ, осанна в вышних, и мы Тебе вопием: благословен Грядый во имя Господне.

Светлое Христово Воскресение.

ПАСХА

Тропарь, глас 5-й

Христос воскрес из мертвых, смертию смерть поправ, и сущим во гробех живот даровав.

Кондак, глас 8-й

Аще и во гроб снишел еси, Безсмертне, но адову разрушил еси силу, и воскресл еси яко Победитель, Христэ Бóже, женам мироносицам вещавый: радуйтесь! и Твоим апостолом мир даруяй, падшим подай воскресение.

Задостойник, глас 1-й

Прпев: Ангел вопияше Благодатней: Чистая Дево, радуйся! И паки реку: радуйся! Твой Сын воскрес тридневен от гроба, и мертвыя воздвигнувый; людие, веселитесь!

Ирмос: Светися, светися, новый Иерусалиме: слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Величание в неделю Антипасхи

Величаем Тя, Живодавче Христэ, нас ради во ад спшедшаго, и с собою вся воскресившаго.

Вознесение Господа нашего Иисуса Христа

Четверг, 40-й день по Пасхе.

Тропарь, глас 4-й

Вознёлся еси во славе, Христе Боже наш, радость сотворивый учеником обетованием Святаго Духа, извещенным им бывшим благословением, яко Ты еси Сын Божий, Избавитель мира.

Кондак, глас 6-й

Еже о нас исполнив смотрение, и яже на земли соединив Небесным, вознёлся еси во славе, Христе Боже наш, никакоже отлучаяся, но пребывая неотступный, и вопия любящим Тя: Аз есмь с вами, и никтоже на вы.

Задостойник, глас 5-й

Припев: Величай, душе моя, вознесагося от земли на Небо Христа Жизнодавца.

Ирмос: Тя паче ума и словесе Матерь Божию, в лето Безлетного неизреченно Родшшую, вернии единомудренно величаем.

Величание

Величаем Тя, Живодавче Христе, и почитаем еже на Небеса с пречистою Твоею Плотию Божественное вознесение.

Пятидесятница.

День Святой Троицы

Воскресенье, 50-й день по Пасхе.

Тропарь, глас 8-й

Благословен еси, Христе Боже наш, Иже премудры ловцы явлей, низпослав им Духа Святаго, и теми уловлей вселенную, Человеколюбче, слава Тебе.

Кондак, глас 8-й

Егда снизшед языки слия, разделяше языки Вышний; егда же огненные языки раздаяше, в соединение вся призва; и согласно славим Всесвятаго Духа.

Задостойник, глас 4-й

Привеv: Апóстоли сошэствие Утэшителя зряще, удивишася, како в виде огненных язЫк явися Дух СвятыЙ. *

Ирмоc: Рáдуйся, Царице, Матеродéвственная славо: всяка бо удобообрацáтельная благоглаголивая уста ветийствовати не мóгут Тебé пéти достóйно; низумевáет же ум всяк Твоё Рождество разумéти. Темже Тя соглáсно слáвим.

Величание

Величáем Тя, Живодавче Христé, и чтим Всесвятаго Дúха Твоего, Егóже от Отцá послáл еси божéственным учеником Твоим.

Преображение Господа нашего Иисуса Христа

6/19 августа.

Тропарь, глас 7-й

Преобразился еси на горé, Христé Бóже, показавый учеником Твоим славу Твою, якоже можаху; да возсияет и нам грéшным свет Твой присносущный, молитвами Богородицы; Светодавче, слава Тебé.

Кондак, глас 7-й

На горé преобразился еси, и якоже вместилаху ученицы Твой, славу Твою, Христé Бóже, видеша: да егда Тя узрят распинаема, страдание úбо уразумеют вольное, мiрови же проповéдят, яко Ты еси воистинну Отчее сияние.

Задостойник, глас 4-й

Привеv: Величай, душе моя, на Фаворе преобразившагоя Господа.

Ирмоc: Рождество Твоё нетлénно явися: Бог из боку Твоею прóйде, яко Плотносец явися на земли, и с человеки поживé. Тя, Богородице, тем вси величáем.

Величание

Величáем Тя, Живодавче Христé, и почитáем пречистыя Плóти Твоея преслáвное преображение.

* Этот привев отсутствует в Цветной Триоди и Типиконе, однако он указывается в нотной Цветной Триоди Синодального издания.

Успение Пресвятой Богородицы

15/28 августа.

Тропарь, глас 1-й

В рождествѣ дѣвство сохранила еси, во успѣнии мѣра не оставила еси, Богородице, представилася еси к животу, Мати сущи Живота, и молитвами Твоими избавляеши от смерти души наша.

Кондак, глас 2-й

В молитвах неусыпающую Богородицу, и в представительствах непреложное упование, гроб и умерщвление не удержаста: якоже бо Живота Матерь, к животу прѣстави во утробу Вселивыйся приснодѣвственную.

Задостойник, глас 1-й

Прпев: Ангели, успение Пречистыя видевше, удивѣшася, како Дѣва восходит от земли на Небо.

Ирмос: Побеждаются естества уставы в Тебѣ, Дѣво Чистая, дѣвствует бо рождество, и живот предобручает смерть; По рождествѣ Дѣва, и по смерти жива, спасаеши присно, Богородице, наследие Твое.

Величание

Величаем Тя, Пренепорочная Мати Христа Бога нашего, и всеславное славим успение Твое.

Рождество Пресвятой Богородицы

8/21 сентября.

Тропарь, глас 4-й

Рождество Твое, Богородице Дѣво, радость возвести всей вселенной: из Тебѣ бо возсия Солнце правды, Христос Бог наш, и разрушив клятву, даде благословение, и упразднил смерть, дарова нам живот вечный.

Кондак, глас 4-й

Иоаким и Анна поношения безчадства, и Адам и Ева от тли смертных свободистася, Пречистая, во святем рождествѣ Твоем. То празднуют и людие Твои, вини прегрешений избавльшеся, внигда звати Ти: неплоды раждает Богородицу, и Питательницу жизни наша.

Задостойник, глас 8-й

Прпев: Величай, душе моя, преславное рождество Божия Матере.

Ирмос: Чужде матерем девство, и странно девам деторождение: на Тебе, Богородице, обою устроишася. Тем Тя, вся племена земная, непрестанно величаем.

Величание

Величаем Тя, Пресвятая Дево, и чтим святых Твоих родителей, и всеславное славим рождество Твое.

Воздвижение Честного и Животворящего Креста

14/27 сентября.

Тропарь, глас 1-й

Спаси, Господи, люди Твоя, и благослови достояние Твое, победы православным христианом на сопротивных даруя, и Твое сохраняя Крестом Твоим жительство.

Кондак, глас 4-й

Вознесиися на Крест волею, тезоименитому Твоему новому жительству щедроты Твоя даруй, Христе Боже; возвесели нас силою Твоею, победы дай нам на супостаты, посobie имущим Твое оружие мира, непобедимую победу.

Задостойник, глас 8-й

Прпев: Величай, душе моя, пречестный Крест Господень.

Ирмос: Таин еси, Богородице, рай, невозделанно возрадивший Христа, Имже Крестное живоносное на земли насадиися Древо; тем ныне возношиму, поклоняющеся ему, Тя величаем.

Величание

Величаем Тя, Живодавче Христе, и чтим Крест Твой святой, имже нас спасл еси от работы вражия.

Введение во храм Пресвятой Богородицы

21 ноября / 4 декабря.

Тропарь, глас 4-й

Днесь благоволения Божия предображение, и человек спасения проповедание: в храме Божии ясно Дева являється, и Христа всем предвозвещает. Той и мы велегласно возопийм: радуйся, смотрения Зиждителя исполнение.

Кондак, глас 4-й

Пречистый храм Спасов, многоценный чертог и Дева, священное сокровище славы Божия, днесь вводится в дом Господень, благодать совводящи, яже в Дусе Божественном, Юже воспевают Ангели Божии: Сия есть селение Небесное.

Задостойник, глас 4-й

Припев: Ангели, вхождение Пречистой зряще, удивишася, како Дева вниде во святая святых.

Ирмос: Яко одушевленному Божию кивоту, да никакоже коснется рука скверных; Устне же верных Богородице немолчно глас Ангела воспевающе, с радостью да вопиют: истинно вышши всех еси, Дево Чистая.

Величание

Величаем Тя, Пресвятая Дево, Богоизбранная Отроковице, и чтим еже в храм Господень вхождение Твое.